

中國方志叢書·華中地方·第五六九號

據

宋·陳公亮撰
清光緒中刊，漸西村舍彙刊本

影印

浙江省

嚴州圖經



成文出版社有限公司印行



中華民國七十二年三月臺一版

嚴州圖經

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

敬

444

圖

經

光緒丙申秋月漸
畝邨舍用宋本重
鋟集漢碑字署首

嚴州圖經三卷

宋嚴州郡守陳公亮修前有紹興己未知軍州事董
弁序及淳熙丙午州學教授劉文富序王氏興地紀
勝陳氏書錄馬氏通考俱作新定志即此書也此從
淳熙刻本鈔出卷首載建隆元年太宗皇帝初領防
禦使詔宣和三年太上皇帝初授節度使制及敕書
榜文二道蓋修志時高宗猶在德壽宮故稱太上也
前有圖九葉卷一新定郡卷二建德縣卷三淳安縣
其體例先以歷代沿革次分野次風俗次州境次城
社次戶口次學校次科舉次廨舍次改充次館驛次

新西村舍

軍營次坊市次橋梁次溝渠次物產次土貢次課利
次祠廟次古蹟次賢牧正倅題名添倅題名次學校
次登科記次人物次碑碣終焉惜卷三古蹟後已脫
佚矣藏書目錄

嚴州重修圖經紹興己未知軍州事董弁序此舊序
也淳熙丙午迪功郎州學教授劉文富序此重修序
也冠以太宗初領防禦使詔太上皇帝即高宗初授節
度使制乃建隆元年太宗為睦州刺史封天水縣開
國子宣和三年高宗授遂安慶源等軍節度使進封
康王也次子城圖建德府內外城圖府境總圖建德

淳安桐廬遂安壽昌分水各縣境圖以嚴州及六縣
分卷各列子目其體例與寶慶四明志同今惟嚴州
建德淳安三卷存淳安為新安郡治隋置睦州故淳
安一卷獨詳唐刺史李道古撰大廳記具錄唐代顯
慶以來刺史名宋雍熙二年知桐廬縣刁衍續至太
平興國三年足資考證勞季言云唐書儒學傳張後
允遷燕王府司馬出為睦州刺史此脫燕字宰相世
系表柳範子齊物睦州刺史元和姓纂同此脫物字
又張愿天寶三載韋南金天寶五載俱自台州刺史
拜赤城志刺史失其名董弁有嚴陵集九卷取嚴州

二

題詠序記別為一書輔圖經而行錢辛楣養新錄云
陳直齋馬端臨俱稱新定志不云嚴州圖經然董弁
創為嚴州圖經劉文富奉知州陳公亮之命重修仍
其名實即一書余謂景定中郡守錢可則教授鄭瑤
學錄方仁榮撰新定續志新定乃郡名非新舊之義
陳直齋因續志名新定亦以劉文富書為新定志也
嚴陵集與景定新定續志余俱有其書此書三卷係
宋刻可與乾道臨安志其傳余更有宋談鑰嘉泰吳
興志凌萬頃玉峯志俱罕觀之開有益齋
案是書原本八卷今存卷一至卷三每葉二十行每

行二十字板心大黑口直齋書錄解題所云新定志八卷郡守東平董弁令升撰紹興己未也淳熙甲辰武義陳公亮重修者即此書也首載建隆元年太宗初領防禦使詔宣和二年太上皇帝初授遂安慶源軍節度使詔及敕書宣和四年遂安慶源軍節度使康王桷文一道建炎二年聖旨一道次爲建德府城圖二葉嚴州全境圖七葉每卷有松雪道人朱文方印嚴蔚豹人白文方印嚴蔚白文長印二西齋藏書朱文長印餘詳儀顧堂集藏宋樓嚴州圖經三卷影鈔宋本每葉二十行行十九字前

三

載建隆元年宋太宗初領防禦使詔宣和二年太上皇帝初授節度使詔及敕書榜文各一道次爲紹興己未知軍州董弁序淳熙丙午迪功郎州學教授劉文富序太上皇者高宗也淳熙丙午高宗尙在德壽宮故不曰高宗而太上也卷首爲建德府城圖建德府全圖卷一志嚴州府沿革分野風俗州境城社戶口學校科舉廨舍館驛倉庫軍營坊市橋梁物產稅賦寺觀賢牧題名添倅題名登科記人物碣各門卷二志建德縣卷三志淳安縣其分水桐廬遂安壽昌則佚矣紹興中董棻知嚴州始剞是書名曰圖經

熙丙午知州陳亮命劉文富重爲訂正故陳氏書錄解題馬氏文獻通考有新定志之目其實即圖經也後景定中方瑤等撰續志即續此書而作續志今尙存此書則僅存殘本耳原本誤以圖後一葉及卷一稅賦門至學校門闕入卷三後今一一爲之釐正是書殘宋本藏吳門汪士鍾處即鈔本所從出亂後不知所歸矣儀顧堂集

嚴州圖經爲嚴姓物嚴於數年前得之於崑山書集街價止青蚨三兩二錢藏經紙面裝四冊止存三卷一百九十葉云是太倉金元功家物余檢葉文莊彙

四


竹堂書目載有嚴州圖經無卷數冊數當是葉傳諸金而金又散出者也先書友攜是書來索直百千文余未及還價而即取去後嚴持示錢竹汀先生先生以爲祕籍世無二本當寶愛之故近日欲請觀每託言爲友人借去不能再見然屬書友及與嚴素識者往探消息總以議價定妥然後索歸則是書猶非不可復合者惜余買書金盡未能如數與之以致書不復合司書鬼與司錢神其能爲我一爭勝耶可歎可

恨土禮居藏書題跋記

嚴州圖經余所見者淳熙重刻本僅存首三卷前有


紹興己未正月知軍州事董弅序及淳熙丙午正月
州學教授劉文富序文富蓋承郡守陳公亮之命訂
正是書者也卷首載建隆元年太宗皇帝初領防禦
使詔宣和三年太上皇帝初授節度使制及敕書榜
文二道蓋淳熙丙午之歲高宗尙在德壽宮故有太
上之稱考董弅初勅此志本題嚴州圖經陳公亮重
修亦仍其名而王氏輿地紀勝陳氏直齋書錄馬氏
文獻通考皆作新定志蓋宋人州志多用郡名標題
續志載書籍亦但有新定志初無圖經之目名目雖
異實非有兩本也

圖城子



十三十四

圖城外內府德建



十五十八


北至臨安府界



界縣水分至北




圖境縣安淳




廿九之卅四 五

桐廬縣境圖




六

遂安縣境圖



三十九 七

壽昌縣境圖



三十九 八

太宗皇帝初領防禦使詔

建隆元年正月甲子詔曰朕應天順人宅萬邦而建號
自家刑國睦九族以推恩皇第三弟新補殿前都虞候
太宗擢秀本枝協謀興運自天鍾德秉文武之才在邦
舊名聞有孝弟之行屬茲勦業宜被寵光俾領郡條兼提
使印官階等爵式示等威徵鵠鵠之詩方思於外禦董
貌貅之眾用肅於內朝雖曰匪親不居亦無生而貴者
是膺厯試仍錫嘉名勉樹令猷永保多福可特授光祿
大夫檢校太保持節睦州諸軍事行睦州刺史充本州
防禦使兼御史大夫封天水縣開國子食邑五百戶

圖經

漸西村舍

太上皇帝初授節度使制

宣和三年十二月壬子制曰周封同姓以親賢式厚深
根之固漢尊二等而立爵載圖磐石之安朕隆紹慶基
端膺駿命永錫胙嗣肇開第室之榮對揚王休申畀國
章之寵丕昭顯冊賈告羣工皇子檢校太保鎮海軍節
度使開府儀同三司廣平郡王食邑九千四百戶食實
封三千戶御名日幹分暉珠潢疏潤斯干協吉茂疑疑之
奇委典命陳儀稱煌煌之華帝聰達蘊自然之質藝文
成不習之能詩禮雅言允迪聖門之訓堯舜正道率循
嚴傳之規既進冠以重嘉宜遵年而出閣班趨萬玉行

瞻極以來朝堂徹旅楹既環宮而列邸載侈褒崇之數
益彰振厚之風昨南土之山川佩真王之印綬面槐辨
位聯保職於三公先乘啟行總戎麾於兩鎮併疇圭賦
增渙渥恩於戲建國以親諸侯義重本支之盛述職以
朝天子贊資蕃翰之良其祇服於朕辭以永綏於爾社
可特授太保遂安慶源等軍節度使進封康王加食邑
一千戶食實封三百戶勳封如故

敕書

敕遂安軍官吏軍人道士僧尼百姓等朕以御粹質幼
蘇異材夙就蚤遵年而親傳既筮日以字成出閣造朝

圖經

漸西村舍

環宮開邸寵進上公之秩雄兼兩鎮之權制勝壤於浙
江殿名邦於全趙式壯朔南之屏永綏中外之安遠諒
輿情欣聆庭渙今特授御名太保遂安慶源軍節度使進
封康王加食邑一千戶食實封三百戶故茲示諭想宜
知悉將士等各平安好參佐官吏軍人道士僧尼耆壽
百姓等並存問之遺書指不多及二十二日

節度使榜

遂安軍節度使

應遂安軍管內官吏軍人道士僧尼百姓築室肇
開庭綸誕布王封真拜昨四履以苴茅上袞典儀

兼十連而建蘇方攤主而趨箸未握節以殿邦屬
時上聖之君興乃不平之治道乎九有遂追黃帝
之風政本羣情盡舉元豐之制沛施厚澤浹被遠
民唯彼外僚當承至意協懋蕃宣之職恪敷詔令
之仁芹藻儒髦虎貔武旅空門羽檄釋耄耆齡樂
盛化以威甯欽有司而無犯諸有尊屬並存問之
右榜遂安軍仍散下管內各令知悉

宣和四年 月 日 榜

太保遂安慶源軍節度使康王

建炎二年五月十三日

圖經

三

漸西村舍

聖旨朕當時貼危勉承大統念

父母兄弟之難懷生靈塗炭之傷思所以迎復

鑾輿弭甯禍亂未知攸濟夙夜震懼無以解憂而潛藩

舊鎮乃遵常式貢章陳慶有請未已殊拂朕心應舊領

州鎮並不許依故事稱賀其合推恩例仰有司條具以

聞六月十五日有

旨嚴州命官進士僧道耆老等推恩賜帛有差

重修圖經序

先王盛時封建未壞井地既正疆理修明千八百國之
廣各有土地之圖以周知其地域大司徒所掌是已且
司徒掌邦教之任而乃下兼職方之事其亦有說歟蓋
民之情性有剛柔輕重遲速不同不辨其宜而施教焉
則有扞格而不相入者是以修其教不易其俗齊其政
不易其宜逮秦人罷侯置守亦各有圖漢人入關所收
財知阨塞而已司徒辨五地十二壤而施十有二教之
制無有也漢氏去古未遠不能復先王之制而郡國雜
治況後世去先王益遠而曰復古不其疎乎

圖經序

四

漸西村舍

國朝沿唐郡縣之舊而其經理視唐尤為盡善大中祥
符三年十二月丁巳 詔獎翰林學士李宗諤等上新
修諸道圖經由是圖籍大備而嚴之為州自東漢建安
中至是適八百年矣其遷徙廢置詳載於經郡有板本
中更遺漏不存淳熙甲辰太守陳公公亮下車之初憫
其廢墜而未暇也逾年時和年豐訟簡刑清百廢具舉
課最之餘因取舊經命文富訂正之將再鋟諸木竊惟
此邦之俗舊號輯睦因以名州可以無事治不可以多
事理所謂安於簡易之政擾之則生事是已自公之開
府將再葺矣一以寬政理惟頑民黠吏始繩之以法故

邦人甚安之因其俗而施其教公已得之此其大可書者若夫民數之登降財賦之贏縮軍籍之去留公館之興廢是則因之否則革之特其粗爾故書其大者以告後之爲政云歲在丙午正月丁未迪功郎州學教授劉文富謹序

圖經序

五

漸西村舍

嚴州重修圖經舊序

周官職方氏掌天下之圖周知其數要漢得秦圖書具知天下阨塞戶口多少彊弱處光武中興按司空輿地圖以封諸子歷代放周遂以職方名官至唐立制凡地圖命郡府三年一造與板籍偕上省

國朝定令閏年諸州上地圖大中祥符四年

詔儒臣修纂圖經頒下州縣俾遵承之距今百二十有八年矣其閒州名有更易軍制有升降戶口有登耗賦稅有增損既皆不同而又艱難以來州縣唯科斂是急趣具目前閏年之制寢以不舉蓋職方之職廢也紹興

圖經序

六

漸西村舍

七年弁來承乏嘗訪求歷代沿革

國朝典章前賢遺範率汗漫莫可取正詢之故老則曰是邦當宣和庚子盜據之後圖籍散亡視它州尤難稽考乃喟然曰惟嚴爲州山水清絕有高賢之遐躅久以輯睦得名今因嚴陵紀號自唐爲軍事州

藝祖開基首命

太宗爲睦州防禦使

先帝政和中悉褒錄

祖宗潛藩之地

詔升其軍爲節度旣而出節少府以授